

Mustafa Kurtović, Daliborka Milović, Edim Fejzić, Emir Frašto i Sanel Mušović,
delegati iz Bosansko-podrinjskog kantona Goražde u Domu naroda Parlamenta Federacije BiH

DOM NARODA
PARLAMENTA FEDERACIJE BiH
n/r Lidija Bradara, predsjedavajuća Doma naroda

PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljeno:	u 6-12-2017		
Org. jed.	Broj	Priloga	Vrijednost
02-14	-	1955	114

Na osnovu člana 177. i 178. Poslovnika Doma naroda Parlamenta FBiH na Prijedlog Budžeta Federacije Bosne i Hercegovine za 2018. godinu, ulažem:

A M A N D M A N I

U Budžetu Federacije Bosne i Hercegovine za 2018. godinu u razdjelu 16, analitički definisati ekonomski kod 6141-Tekući transfer drugim nivoima vlasti - Bosansko – podrinjski kanton Goražde u iznosu od 5.000.000,00 KM.

Ova sredstva obezbijediti na slijedeći način:

- iz razdjela 16. sa ekonomskoog koda 6141 Tekući transferi drugim nivoima vlasti i fondovima – KANTONI i OPĆINE obezbijediće se iznos od 5.000.000,00 KM tako da se navedeni kod smanjuje sa 18.000.000,00 KM na 13.000.000,00 KM,

O b r a z l o ž e n j e

Budžetom Federacije BiH u predhodnim godinama planirana su sredstva za Bosansko-podrinjski kanton Goražde kao i za još neke kantone te se na taj način se Budžetu Bosansko – podrinjskog kantona Goražde obezbjeđivala odgovarajuća finansijska potpora – grant koja je još uvijek neophodna jer bi u slučaju izostanka granta Bosansko-podrinjski kantona Goražde došao u teško socijalno – ekonomsko stanje. Naime iako je na području Bosansko-podrinjskog kantona Goražde u zadnjih nekoliko godina postignut značajan ekonomski razvoj isti je postignut prije svega zahvaljujući izvozno orjentisanim firmama koje povećavaju pokrivenost uvoza izvozom, te smanjuju vanjskotrgovinski deficit što je od interesa za državu u cjelini, ali poslovanje istih nije osjetno uticalo na povećanje prihoda Bosansko-podrinjskog kantona Goražde zbog čega je iako je ostvaren značajan ekonomski razvoj zbog smanjenja broja stanovnika i učenika zabilježen značajan pad prihoda te će u slučaju izostanka granta Bosansko-podrinjski kanton Goražde doći u bezizlaznu situaciju pogotovo kada se ima u vidu činjenica da je to jedini kanton koji nema mogućnosti da se dodatno zaduži.

U 2016. godini je Budžetom Bosansko – podrinjskog kantona Goražde za 2016. godinu planiran grant u iznosu od 7.000.000,00 KM, ali obzirom da Budžetom Federacije BiH nisu planirana posebna sredstva za bosansko-podrinjski kanton Goražde već je planiran za sve kantone iznos od 16.000.000,00 KM, Bosansko-podrinjskom kantonu Goražde Odlukom Vlade Federacije BiH odobreno samo 3.500.000,00 KM što je uz ogromno smanjenje prihoda u 2016. godini ima za posljedicu da Bosansko-podrinjski kanton Goražde ne može da izvršava svoje ustavne nadležnosti pa čak ni da finansira osnovne funkcije.

Takođe Budžetom Federacije BiH za 2017. godinu nisu planirana posebna sredstva za Bosansko – podrinjski kanton Goražde već su na jednom ekonomskom kodu ponovo planirana sredstva za niže nivoe vlasti i to u iznosu od 12.000.000,00 KM što je znatno manje iznosu nego predhodne godine a nakon što je Vlada Federacije BiH odlukom utvrdila kriterije

za raspodjelu tih sredstava Bosansko-podrinjskom kantonu Goražde je odobreno samo 2.440.000,00 KM.

Navedeno je posljedica činjenice da je Vlada Federacije BiH raspodjelu ukupnih sredstava za sve niže nivoe vlasti iako se radi o fiskalnom izravnjanju koje treba da otkloni neprivatljive posljedice neadekvatne raspodjele po osnovu postojećih kriterija vršila manje više na osnovu istih kriterija na osnovu kojih se vrši i raspodjela prihoda od indirektnih poreza.

Naime Vlada Federacije BiH je u skladu sa Zakonom o izvršenju budžeta Federacije BiH za 2016. i 2017. godinu svojom odlukom utvrdila kriterije za raspodjelu tih sredstava koji su gotovo identični kriterijima za raspodjelu prihoda od indirektnih poreza koji predstavljaju najznačajniji javni prihod za sve nivoe vlasti te su grant sredstva koja se doznacavaju radi fiskalnog izravnjanja na nivou Federacije BiH izgubila svoj smisao a Bosansko-podrinjskom kantonu Goražde je odobren nedovoljan iznos sredstava.

Sve naprijed navedeno se nije dešavalo dok Parlament Federacije BiH u 2014. godini nije usvojio Zakon o izmjenama i dopunama Zakona o pripadnosti javnih prihoda kojim su Posavskom kantonu značajno povećani prihodi tako da je Bosansko-podrinjski kanton Goražde ostao jedini kanton kojem bi trebalo doznaciti grant u većem iznosu.

Dakle iznos transfera za Bosansko-podrinjski kanton Goražde je neophodno odrediti u samom Budžetu Federacije BiH jer se grant doznacava radi fiskalnog izravnjanja na nivou Federacije BiH o čemu bi svakako trebalo da odlučuje Parlament Federacije BiH prilikom donošenja Budžeta a ne Vlada Federacije BiH svojim odlukama, kao i iz razloga da bi iznos tekućeg transfera za Bosansko-podrinjski kanton Goražde bio tačno određen što je neophodno kako bi se otklonila neizvjesnost, omogućilo blagovremeno i adekvatno planiranje te kako bi se izbjegla neizvjesnosti koja sama po sebi otežava socijalno-ekonomsko stanje.


Zbog navedenog a obzirom da je Bosansko-podrinjski kanton Goražde došao teško socijalno – ekonomsko stanje, što bi imalo za posledicu i ugrožavanje daljnjeg ekonomskog razvoja Kantona pa čak i ugrožavanje dostignutog nivoa razvoja, neophodno je u Budžetu Federacije BiH za 2018. godinu planirati posebna sredstva za Bosansko – podrinjski kanton Goražde u iznosu od 5.000.000,00 KM.

Bliža obrazloženja daću na sjednici Doma naroda.

Sarajevo, _____2017. godine

DELEGATI


Mustafa Kurtović


Daliborka Milović


Edim Fežić


Emir Frašto


Sanel Mušović